

(1)

ECLOGA:

In qua felicissima hujusce Regni conditio
sub Regis nostri fortissimi,

Gulielmi & Mariæ,

Reginæ imperio Describitur.

Tityrus.

D I C mihi quid causæ est, Lycida? Qui solus in agris,
Errabas, mæstis complens loca sola querelis,
Frangere quiq; tuam jurabas sæpe *cicutam*,
Nunc lætum gracili carmen modularis avenâ.

Lycidas.

Tytire, tempus erat mihi cum nec cura peculî,
Nec spes libertatis erat, cum dira tyrannis
Imposuit miseris juga non toleranda Britannis.
Principis ad nutum leges servire coactæ
Regnabat nostris ceu Rex Fraterculus oris
Servitium indocilis gens libera ferre, gemebat.
At nunc Saturni redierunt secula, regnat
Astræa, & toto surgit Gens aurea mundo:
Monstrorum domitor, decus ævi, & gloria gentis
Humanæ, nostris jam nunc dat jura Britannis;
Imperioq; regit populos parere volentes.
Errant rura quies, tuti cum matribus agni,
Errant, bosq; piger, secura perambulat arva.
Rex bonus, O Lycida, nobis hæc otia fecit.

An

